

## Hydro One Bagwadmig Odenwinan Inc. agii gwedwe awii giikinamwaad engindeg waasmowin.

### Woshme gego gikendan. Kidan enwendaman.

Hydro One Bagwadmig Odenwinan Inc. agii niindaawenaa-aa gawedwewin odi Ontario Waasmowin Nyaagdowaabmdamjig awii giikinamwaad waasmowin engindeg awii maajtaamgak Zaagibagaa-giizis 1, 2023. Giishpin minwabmjigaadegmigag owi gagwedwewin ezhi moshkinebiigaadeg.

- **gabe biboon (Gaawi gikinwaajinaagwog A) wiigwaaming endaad enkaazad 750kWh waasmowin adaa waabmdaan giigsemigag megwaach gwa \$3.66 ensa nigo giizis**
- **inakiwinagaa (Gaawi gikinwaajinaagwog A) wiigwaaming endaad enkaazad 750 kWh waasmowin adaa waabmdaan giigsemigag megwaach gwa \$4.21 ensa nigo giizis**
- **gagwech agwa zhichigewin (Gaawi gikinwaajinaagwog A) niish waasomowin biiwaabikweyaab miinwaa niwin waasomowin biiwaabikweyaab gaashpinadod enkaazad 2,000 kWh adaa waabmdaan giigsemigag engindeg megwaach gwa \$9.77 miinwaa \$10.11 ensa giizis.**
- **owi Ogimaawin debagaademigag (Gikinwaajinaagwog A) wiigwaaming endaad enkaazad 750 kWh adaa waabmdaan giigsemigag enigindegmigag nikaazad onji \$20.48 apiinish \$30.03 ensa giizis, dibegendaagwog endagwen owi odenaand aji digoshinang nikaazang biboon miikanan, ishkode daabaan miikan maage mbaasijining**
- **owi Ogimaawin debagaademigag (Gikinwaajinaagwog A) zhichigewin maagwed enkaazad 2000 kWh adaa waabmdaan giigsemigag enigindegmigag nikaazad onji \$57.00 apiinish \$82.40 ensa giizis, dibegendaagwog endagwen owi odenaand aji digoshinang nikaazang biboon miikanan, ishkode daabaan miikan maage mbaasijining**

Aanin yaa-abi bemaadzijig gnimaa adaa madookidaagiziwog.

Hydro One Bagwadmig Odenwinan Inc. miinwaa age gagwedwenaa-aa awii minwaanmjigaademigag aanin zhichigewin miinwaa bamibidechigaademigag enigindeg abi onjibaamigag owi digosijigaademigag owi Wataynikaneyan Waasomowin Bimibideg Nankiwin, e'dinendaagwog awii dikobijigaademigag midaaswi bigwadmig odenwinan megwaa bamiikaagaazijig owi Hydro One Bagwadmig Odenwinan Inc. kiinsing waasomowin jibwaa 2024. Ninda madookdaagewinan waabmdowemigadoon maampii shpiming ezhibiigaadeg engindeg.

Hydro One Bagwadmig Odenwinan Inc. ado ndowaabmdaan minwaabmjigewin awii bimowaad niish zhichigewin nangidewinan, digo yaasiwan owi Account 1588 miinwaa age owi Bigwadmig miinwaa Zaagiji Odena Engindeg Gnowenjigaadeg Bamibidechigaadeg minik agaa minwaabmjigaadeg onji 2023 adaa aanjigindemigad ensa biboon owi OEB-minwaabmjigaadeg ombishkaamigag naagsijigan.

Gichi piitendaagwod weweni awii ginowaabmdaman owi gagwedwewin awii giizhendaman endagwen aji madookdaagiin niinda aanjichigewinan.

#### ONTARIO WAASAMOWIN NYAAGDOWAABMDAMJIG AWII YAANAA-AA BEMAADZIJIG MAAWANJIDIWIN DIZHINJGEWIN

Owi Ontario Waasomowin Nyaagdowaabmdamjig (OEB) ada ayaanaa-aa bemaadzijig mawaanjidiwin awii dibegendamowaad owi Hydro One Bagwadmig Odenwinan gagwedwewin. Epiich temigag maanda dizhinjigewin, wegwen gwaa dinaangidonang maage zhibiigewin dizhinjigewin, nga gagwejiamaanaang Hydro

One Bagwadmig Odenwinan ado naaknigewiniwaa owi giikinamiwaad engindeg. Nga noondaanaanin gagwedwewinan miinwaa azhidemaawinan gewe bemaadzijig agaa boozibiigegj awii digoyaawaad (ezhi nikaaziwaad mekowitaagozijig) zhiwe owi OEB ado

dizhinjigewin. Ani ekwaasemigag maanda dizhinjigewin, owi OEB ada giizhendaman endagwen, giishpin gego, giikinigaademigag engindeg aji bagidinigaademigag. Eswe-okijig, dibishko gona Hydro One Bagwadmig Odenwinan gagwech gwa gagwedwewog awii moshki gnowaabmjigaadeg engindeg waasmowin ensa naana biboon. Aanind anjchigaadeg engindeg waasmowin biitiwiwiing niinda biboonan adaa gwedwewok nikaazang OEB-menwaabmjigaadeg naagsijigan e'wiji-emgag ombibdeg kina gego engindeg miinwaa aanin gego enaadmaagemgak awii zhaabwiichgeng. Gaawii gnimaa gdaa wiindmaagoosii awii giikinigaadeg engindeg waasmowin nikaasang maanda nikaazang naagsijigan.

Owi OEB njikegaabwiimigad miinwaa gaawii gego misenmaasiwaan bemaadzijig nankiwin. Ndo zhitooanaanin giizhendamanowinan awaa misendamowaad bemaadzijig. Ndo gshkitmaazowinan aawan awii gaandnamang mengindeg miinwaa menbidegin waasomowin zhichigewin age miinigowin e-penimandaagwog waasmowin zhichigewinan mena piitigindemigag.

#### GIKENDAN EZHIWEBAK MIINWAA KIDAN ENWENDMAN

Gdaa-aan dibiniweziwin awii gikendaman ezhiwebak maanda gagwedwewin miinwaa awii wiiji ayaayin owi enakiing.

- Gdaa gnoowaabmdaan Hydro One Bagwadmig Odenwinan gagwedwewin odi OEB waasomoo-asabi-mazina-igan nongo
- Maajibii-igan gdaa niin-daawen dibaajimayin enendaman, age dibegenjigaademigag epiichi dazhinjigeng
- Gdaa aawi owa makowetaagozid. Aawiyin makowetaagozid, gdaa miigwenan gagwedwewinan owi Hydro One Bagwadmig Odenwinan gagwedwewin miinwaa gdaa aazhidendaan owi endagwen owi OEB aji minwaabmdamiwaapa owi Hydro One Bagwadmig Odenwinan gagwedwewin. Gagwedwen makowetaagozid awii aawiyin jibwaa Binaakwe-giizis 17, 2022 dash giishpin owi dazhinjigewin ada bimibidemigad yaasiwon miinwaa gaawii gego woshme aga debinaziin wiindamaagewin owi ezhiwebak
- Ekwaasemigag owi ezhiwebak, gdaa nda gikendaan agaa naaknigewaad OEB, miinwaa gaazhi zhitowaad maanda giizhendamanowin odi ndo waasomoo-asabi-mazina-igan

#### WOSHME GEGOO AWII GAKENDAMAN

Ninda shki waasmowin nangidewinan iniwenjigemgaadoon maampii Hydro One Bagwadmig Odenwinan waasmowin bimaabiising. Newen aawinon aanin owi yaawong owi Bimiwijigaademigag zhibiigan – bezhig ezhibiigaadeg gdo mazinige masinigan. Ndo mooshkinebiigewinaa maanda inaaknamaang zhinkaade **EB-2022-0041**. Woshme awii gakendaman maanda bzindaajigewin, gdaa makaan awaa zhichigewin awii maajibiige-in owi dibaajimowin enendaman maage awii aawayin makowetaagozid, maage awii waabmdaman wegwen gwa mazinigan waajii-emgag zhinda gwedwewining, gdaa gnoowaabmdaan mooshkinebii-igan **EB-2022-0041** odi OEB waasomoo-asabi-mazinigan: [www.oeb.ca/notice](http://www.oeb.ca/notice). Gdaa abi giigid ndo Bemaadzijig Gikendamowin Wiigwaam odi 1-877-632-2727 awii gwedwewin gego.

#### DANAANGIDOONANG MAAGE EZHIBIIGAADeg BZINDAAGEWINAN

Niish dnawaan tenoon OEB dizhinjigewinan – danaangidoonang maage ezhibiigaadeg. Hydro One Bagwadmig Odenwinan agii gwedwenaa-aa ezhibiigaadeg dizhinjigewin. Owi OEB ada giizhendamoog baamaapii endogwen aji ani maajitaawaad owi zhibiigewin maage dinaangidoniwin dazhinjigewin. Agiishpin nendman danaangidoowin dazhinjigewin dowendaagwak, gda maajibiimowaag OWE awii dbaajimawin enji gagwedwewin maanda jibwaa **Binaakwe-giizis 17, 2022**.

#### GIIMOODENDAAGWAD

Agiishpin zhibiiman maajibiigan enwendaman, gda nooziwini miinwaa agaa zhibiiman ada mzinaakogaade miinwaa ada temigad OEB waasomoo-asabi-mazina-igan. Dash wiigwa, gdo giigdo biiwaabikons gindaaswin, endaa-in ezhinikaademigag miinwaa gdo waasomoo-asabi-mazina-igan biiwaabikong noozowin ada bamigaade. Giishpin naakiigamig aawang, kina agwa gikendamowin ada mzinaakogaade. Giishpin gagwedwewin makowetaagozid awii aawiyin, kina gikendamowin ada mzinaakogaade.

Maanda engindeg dazhinjigewin zhinda bakebjigan 78, Ontario Waasimowin Nyaagdoowaabmdamjig Naaknigewin 1998, S.O. 1998 c. 15, Aankebiigan B.



Ontario

Ontario  
Energy  
Board | Commission  
de l'énergie  
de l'Ontario